

"BASES DA CONVOCATORIA DE SUBVENCIONS ÁS FAMILIAS PARA A FESTIVIDADE DE REIS DOS/AS SEUS/SÚAS FILLOS E FILLAS PARA O EXERCICIO 2020.

1. OBXECTO:

O obxecto desta convocatoria é regular a concesión de subvencións de pago único anual ás familias con menor nivel de recursos económicos e que cumpran os requisitos de acceso ao programa aquí establecidos, para a adquisición dos agasallos para a Festividade de Reis para os seus fillos e/ou as súas fillas que, estando en convivencia cos/coas solicitantes, haxan nados/as no ano 2004 e posteriores, ou maiores desta idade e nados/as no ano 2002 e posteriores sempre que teñan o recoñecemento oficial de minusvalía ou grao de discapacidade.

As axudas obxecto das presentes bases encádranse nas competencias municipais establecidas no artigo 25.2.e) da lei 7/1985, de 2 de abril reguladora das Bases de Réximen Local, e conforme ao recollido nos artigos 21 e 48 da Lei 13/2008, de 3 de decembro, de Servizos Sociais de Galicia.

2. REQUISITOS DOS/AS SOLICITANTES:

1.- Ser maior de idade ou menor legalmente emancipado ou emancipada, e ter en convivencia fillos ou fillas nados/as no ano 2004 e posteriores, ou maiores desta idade e nados/as no ano 2002 e posteriores sempre que teñan o recoñecemento oficial de minusvalía ou grao de discapacidade.

2.- Ter o empadramento no Concello de Fene e ter residencia efectiva no mesmo cunha antigüidade de, cando menos, tres meses anteriores á data da solicitude.

3.- Cumprir as condicións económicas que se establecen no punto 8º das presentes bases.

4.- Non posuír máis dun coche na unidade familiar e, no caso de que, a maiores do coche, se posúa unha moto, esta deberá ter unha cilindrada non superior a 800 centímetros cúbicos. Comprobarase de oficio polo Concello unha vez que se presente a solicitude.

5.- Non incurrir nas prohibicións para obter a condición de beneficiario ou beneficiaria sinaladas no art. 13 de Lei Xeral de Subvencións (BOE nº 276 de 18 de novembro de 2003), que segundo regula dito artigo poderá realizarse mediante testemuño xudicial, certificados telemáticos ou transmisións de datos (...) e, cando dito documento non poda ser expedido pola autoridade competente, poderá ser substituído por unha declaración responsable outorgada ante a autoridade administrativa ou notario ou notaria público.

6.- Estar ó corrente no cumprimento das obrigas tributarias coa Seguridade Social, así como co Concello de Fene, extremo que se xustificará mediante presentación de declaración responsable.

3.- CONCEPTOS SUBVENCIONABEIS:

Coas subvencións cubriranse os gastos derivados da adquisición de agasallos para a festividade de Reis, a saber: xoguetes, xogos, libros, material didáctico e outros obsequios que correspondan coa idade do ou da menor a quen vai dirixida a axuda, sempre que estes sexan adquiridos no período comprendido entre o día de apertura da presente convocatoria e o día 6 de xaneiro de 2021.

Con carácter xeral poderase xustificar a subvención con gasto relativo á adquisición de roupa, calzado ou material deportivo sempre que o importe total do gasto realizado non supere o 75% da axuda concedida.

Non obstante, no caso das persoas que foran beneficiarias de axudas para a adquisición de vestiario básico (roupa e calzado) ó abeiro da Ordenanza municipal reguladora das axudas económicas para a atención de necesidades sociais ou foran beneficiarias de axudas (para adquisición de vestiario básico) doutros organismos públicos no decurso do último trimestre do ano 2020, unicamente poderán destinar a

subvención (dentro do límite porcentual antes definido, é dicir o 75%) á adquisición de material deportivo (roupa deportiva, calzado deportivo, botas, etc.).

4.- NÚMERO DE SUBVENCIONS CONVOCADAS E CONTÍA INDIVIDUAL DA SUBVENCIÓN:

Convócanse un total de 35 subvencións para 35 menores por importe individual de 100 euros para cada beneficiario ou beneficiaria.

A contía das axudas que recibirá cada familia solicitante estará en función do número de fillos e fillas en convivencia, que cumpran o requisito da idade e que se poidan beneficiar do programa.

No caso de que, á vista do nº de solicitantes beneficiarios (que cumpran todos os requisitos establecidos na convocatoria), e unha vez concedidas as axudas polos importes máximos establecidos (100 €), se supere a contía máxima do crédito orzamentario dedicado a esta finalidade, ditas axudas máximas reduciranse na contía necesaria ata que se de cobertura á totalidade das solicitudes presentadas que cumpran os requisitos de acceso ó programa.

5.- ORZAMENTO DESTINADO AO PROGRAMA:

A aplicación orzamentaria á que se imputarán estas subvencións é a 231/48000 cun crédito máximo aprobado de 3.500 euros.

6.- LUGAR E PRAZO DE PRESENTACIÓN DE SOLICITUDES:

As solicitudes deberanse presentar no Rexistro Xeral de entrada do Concello así como nos restantes rexistros electrónicos de calquera dos suxetos aos que se refire o artigo 2.1 da lei 39/2015 do 1 de outubro, no prazo de 10 días hábiles, contados a partires do día seguinte ao da publicación do anuncio no Boletín Oficial da Provincia.

7.- DOCUMENTACIÓN:

Deberáse presentar a seguinte documentación:

- Impreso de solicitude debidamente cumprimentado e asinado polo ou pola solicitante que será facilitado no Departamento de Benestar Social e no que se deberán indicar os agasallos para os que se solicita a subvención.
- Declaración xurada sobre a situación persoal, familiar e económica do ou da solicitante e demais membros da unidade familiar independente, que se facilitará en documento oficial, debidamente cumprimentada e asinada polo ou pola solicitante. Nesta declaración se manifestará a existencia de capital mobiliario e/ou inmobiliario.
- D.N.I. do ou da solicitante e demais membros da unidade familiar independente.
- Libro de Familia e/ou do Título de Familia Numerosa, no seu caso.
- En caso de separación e/ou divorcio, sentenza xudicial e/ou convenio regulador e xustificantes de ingresos por este concepto ou declaración xurada de non percibir a prestación recoñecida, se fose o caso.
- Xustificantes económicos referidos aos 6 meses anteriores á data da solicitude de todas as persoas maiores de 18 anos que formen a unidade familiar independente, segundo corresponda.
- Última declaración da renda das persoas físicas correspondente ao exercicio 2019, e referida ao proxenitor ou proxenitores ou titor ou titores do ou da menor e, no caso de non presentala, declaración xurada sobre a

Documento asinado electronicamente, pódese validar a sinatura co código indicado na marxe na <https://sede.fene.gal>. (O código de verificación garante, mediante o cotexo na sede electrónica municipal, a integridade do documento (artigo 18.1.b da Lei 11/2007, de 22 de xuño, de acceso electrónico dos cidadáns aos Servizos Públicos).

non obriga de realizala (documentos que se terán en conta aos efectos de comprobación e valoración do expediente e non a efectos de computar os ingresos da unidade familiar).

- Xustificante de gastos derivados do aluguer ou amortización da vivenda no período computable, a saber: 6 meses anteriores á solicitude.

- Certificación bancaria de todas as contas bancarias do ou da solicitante e unidade familiar independente, referido ao saldo existente a 31 de decembro do 2019.

- Volante de empadramento da unidade de convivencia con indicación do tempo de residencia.

- Debe acompañarse certificado de non incorrer nas prohibicións para obter a condición de beneficiario/a sinaladas no art. 13 de Lei Xeral de Subvencións (BOE nº 276 de 18 de novembro de 2003), que segundo regula dito artigo poderase realizar mediante testemuño xudicial, certificados telemáticos ou transmisións de datos (...) e cando dito documento non poida ser expedido pola autoridade competente, poderá ser substituído por unha declaración responsable outorgada ante a autoridade administrativa ou notario público.

- Declaración responsable de estar ó corrente no cumprimento das obrigas tributarias coa Seguridade Social e co Concello de Fene, así como de non ter pendente de xustificar ningunha outra subvención municipal concedida.

- Declaración responsable de ter ou non solicitadas e/ou concedidas outras axudas para o mesmo concepto no decurso do último trimestre do ano 2020.

- Certificado de minusvalía ou recoñecemento de grao de discapacidade que se aleguen para o baremo.

- Documento de designación de conta bancaria.

- Os documentos que se queiran presentar que xustifiquen as circunstancias que puntúan no baremo.

A solicitude ou solicitudes nas que se observe a falta de documentación fundamental para a súa valoración, será requirida por escrito a persoa solicitante para que, no prazo máximo de 10 días dende a recepción da comunicación, presente a documentación solicitada indicándoselle que se non a presenta se terá por desistida a súa solicitude, previa resolución que deberá ser ditada nos termos previstos no artigo 71 da Lei 30/92 de 26 de novembro.

8.- CRITERIOS DE VALORACIÓN DAS SOLICITUDES:

8.1. CONDICIÓN ECONÓMICAS:

Poderanse beneficiar das presentes subvencións aquelas familias que cumpran os requisitos da presente convocatoria.

Os e as solicitantes non poderán superar os 5.700 euros de renda per cápita anual. Asemade, e en todo caso, se limitará o conxunto de ingresos familiares totais a 2 veces o SMI vixente que, para o presente exercicio 2020, sitúase en 26.600 euros anuais.

A procedencia dos ingresos poderá ser de rendas de traballo, prestacións por desemprego, RISGA e/ou outras prestacións sociais, pensións e prestacións da seguridade social, pensións de alimentos e/ou compensatorias no caso de separación e/ou divorcio, e/ou outros ingresos regulares e/ou irregulares dos que viva a familia.

Considerarase unidade familiar independente, aos efectos da baremación das solicitudes, a composta polo ou polos proxenitores e/ou titor ou titores legais e fillos e fillas menores, independentemente de que existan outros membros en convivencia.

A) Para a obtención do conxunto de ingresos se terán en conta os seguintes criterios:

Calcularanse os ingresos netos familiares (logo de restar os gastos de Seguridade Social e IRPF) dos 6 meses anteriores á solicitude de 2020 (6 meses), cómputo do que se restarán as cotas de aluguer e/ou amortización da vivenda, no seu caso, correspondentes ao mesmo período, a efectos de obter os ingresos baremables.

O resultado anterior se multiplicará por 2 para obter os ingresos netos anuais. A contía resultante dividirase polo número de membros da familia que computen aos efectos das presentes bases.

B) Con respecto ao capital mobiliario:

Entenderanse medios económicos suficientes no que respecta aos recursos procedentes do capital mobiliario, e a efectos de valoración para a resolución das solicitudes ao abeiro deste programa, os que superen os 3.000 euros en contas de aforros e/ou investimentos que posúa a unidade familiar (terase en conta o saldo a 31 de decembro do ano 2019 segundo os certificados bancarios presentados).

9. VALORACIÓN DE EXPEDIENTES E CONCESIÓN DAS SUBVENCIONS:

Fase de pre-avaliación: as traballadoras sociais verificarán o cumprimento das condicións establecidas para adquirir a condición de persoa beneficiaria da subvención, realizando de oficio cantas actuacións estimen necesarias para a determinación, coñecemento e comprobación dos datos en virtude dos cales debe formularse a proposta de resolución.

Fase de instrución: unha vez avaliadas as solicitudes, o órgano instrutor (comisión de avaliación) deberá emitir un informe no que se concrete o resultado da valoración efectuada. O órgano instrutor elevará o informe xunto coa proposta de resolución ao órgano de resolución.

A Comisión de Avaliación estará composta por:

1. Presidente: Juventino José Trigo Rey, alcalde do concello de Fene ou persoa en quen delegue.
2. Vogais: 2 persoas do equipo técnico do departamento de servizos sociais: Manuela Real Rego e M^a Teresa Gayet Ferreira e, como suplentes, Sonia Fresco Torrente e Beatriz Rodríguez Grandal.
3. Secretaria municipal, ou persoa en quen delegue.

Cumpridos os trámites para a instrución do procedemento e fiscalizada a proposta pola intervención municipal, o Alcalde-Presidente ditará resolución motivada.

A resolución estimatoria ou desestimatoria pon fin á vía administrativa contra a que poderá interpoñerse potestativamente recurso de reposición ante o Sr. Alcalde –Presidente no prazo dun mes a contar dende o día seguinte ó da notificación do acordo de concesión, ou directamente recurso contencioso administrativo ante o Xulgado do Contencioso Administrativo de A Coruña, no prazo de dous meses a contar dende o seguinte ó da notificación dá resolución se é expresa, se non o é, o prazo será de seis meses a contar dende o seguinte a partir de que se entenda producida a desestimación por acto presunto.

Unha vez resolta, se notificará ás persoas interesadas.

10. PAGAMENTO DAS SUBVENCIONS:

O pagamento das subvencións realizarase de forma anticipada no exercicio 2020 e, sen prexuízo da súa xustificación posterior por parte do beneficiario ou beneficiaria, na conta bancaria indicada no momento de concesión da ou das subvencións, debendo aportar, no prazo máximo de 1 mes dende o cobro da subvención, as facturas xustificativas da adquisición dos agasallos, para que se cumpra a finalidade para a que foron concedidas, por importe igual ou superior á ou ás subvencións concedidas.

Non poderá realizarse o pago da subvención cando a persoa beneficiaria non se atope ao corrente no cumprimento das súas obrigas tributarias e coa seguridade social ou sexa debedora por resolución de procedencia de reintegro.

Naqueles casos en que o importe das facturas sexa inferior ao importe máximo concedido, ás persoas beneficiarias deberán presentar, xunto ás mesmas, recibo de abono na conta do concello da contía non gastada e non xustificada.

11. XUSTIFICACIÓN DAS SUBVENCIÓNS:

Cumpridas as esixencias de xustificación documental citadas nas presentes bases, vistas e informadas en primeira instancia polo Departamento de Benestar Social que verificará, así mesmo, se os ou as beneficiarias percibiron ou non axudas no decurso do último trimestre do ano 2020 para adquisición de roupa e calzado a través da convocatoria das axudas económicas municipais para a atención de necesidades sociais, remitiranse os expedientes a Intervención para as comprobacións que proceda facer e emita o preceptivo informe de fiscalización.

A xustificación das axudas concedidas rexerese polo recollido no artigo 30 da Lei 38/2003, de 17 de novembro, Xeral de Subvencións.

O prazo de xustificación será de 1 mes dende o cobro da ou das subvencións.

A documentación que haberá de se presentar para a xustificación é a seguinte:

- Factura orixinal xustificativa dos gastos realizados en concepto de compra de agasallos para Reis por importe igual ou superior ás axudas recibidas. As facturas deberán conter, como mínimo: Número de factura, data de expedición, razón social do emisor e do receptor, NIF do emisor e do receptor, domicilio do emisor e do receptor, descrición das operacións (base imponible), tipo impositivo, cota tributaria. A factura deberá acompañarse da acreditación do pago, ben mediante xustificante de transferencia bancaria ou selo que indique o pago en efectivo.

- Declaración responsable de ter ou non ter percibido outras axudas polo mesmo concepto por parte doutros Organismos e/ou administracións públicas, segundo modelo oficial que se recollerá no Departamento de Benestar Social .

- Declaración responsable de ter ou non ter solicitado e/ou percibido outras axudas do Concello para adquisición de vestiario básico de menor no último trimestre do exercicio 2020, segundo modelo oficial que se recollerá no Departamento de Benestar Social.

- Declaración responsable de que a axuda foi destinada á finalidade para a que foi concedida.

As facturas e documentación acreditativa do pago presentadas polos beneficiarios e beneficiarias acompañaranse do impreso de solicitude de xustificación segundo modelo oficial que se recollerá no Departamento de Benestar Social e deberán ser emitidas con datas comprendidas entre o 1º día de apertura do prazo de solicitudes e o 6 de xaneiro de 2021.

Naqueles casos en que se concedan axudas para máis dun fillo e/ou filla, será necesario que se acompañe unha declaración responsable asinada polo ou pola solicitante (e segundo o modelo facilitado polo departamento) na que se especifique qué conceptos dos facturados foron destinados a cada menor.

Naqueles casos en que o importe das facturas sexa inferior ao importe máximo concedido, as persoas interesadas deberán presentar, xunto ás mesmas, o recibo de abono na conta do concello da contía non gastada e non xustificada.

12. REINTEGRO:

No procedemento de reintegro das subvencións atenderase ao recollido no Título II, nos seus capítulos I e II da Lei 38/2003, de 17 de novembro, Xeral de Subvencións.

13. CONTROL FINANCIERO, INFRACCIÓN E SANCIÓN:

Realizarase de acordo co establecido no Título III da Lei 38/2003, de 17 de novembro, Xeral de Subvencións.

14. PUBLICIDADE:

Realizarase de conformidade co disposto no artigo 20 da Lei 38/2003, de 17 de novembro, Xeral de Subvencións, polo que non se dará publicidade das subvencións individuais que se concedan ao abeiro das presentes bases.

15. DISPOSICIÓN FINAL:

Para o non previsto nestas bases estarase ao establecido na Lei 38/2003, de 17 de novembro, Xeral de Subvencións (BOE núm. 276 de 18.11.2006), e Regulamento de desenvolvemento, Lei 9/2007, de 13 de xuño, de subvencións de Galicia, Ordenanza Xeral de Subvencións do Concello de Fene, Lei 39/2015, de 01 de outubro, do Procedemento Administrativo Común das Administracións Públicas, e ás bases de execución do orzamento.”

C.I.F.: P-1503600 -G